

320.

Jan Bechyně:

**PŘÍSPĚVEK K POZNÁNÍ JIHOAMERICKÝCH MANDELINEK  
TRIBU PHYLLODECTINI.**

**ADDITAMENTA AD COGNITIONEM PHYLLODECTINORUM  
NEOTROPICORUM.**

**(Col. *Phytophaga*, *Chrysomelidae*.)**

Neotropičtí *Phyllodectini* vytvářejí dvě hlavní skupiny rodů: skupinu forem archaických, velmi příbuznou australským typům, význačnou vysokou specialisací některých morfologických znaků (destičkovitě rozšířenými holeněmi, složitě vykrojovanými epipleury, bifidními nebo sině appendikulátními drápky atd.) do níž patří 3 rody: *Trochalonota*, *Pyxis* a *Pandona*. Do druhé skupiny rodů patří formy pro neotropickou oblast zcela charakteristické, nemající jinde obdoby, jimiž se v tomto příspěvku podrobněji zabývám.

In opusculo hoc de Phyllodectinis neotropicis fusius expono. Tribus haec in America meridionali e generum sectionibus duabus compositus est, quarum sectio prima signis plurimis speciebus Australiae approximatis (tibiis apice valde dilatatis, dorso alte costatis, epipleuris saepe foveolatis, unguiculis bifidis aut profunde appendiculatis, etc.); hic sunt genera hic pertinentia: *Trochalonota* WESTW., *Pyxis* STÅL, *Pandona* CHEVRL.

Sectio generum altera (tibiis simplicibus, epipleuris haud foveolatis, unguiculis simplicibus aut leviter appendiculatis insignata) formas exclusive neotropicas concentrat:

- 1 (4) Aptera, corpore elongato, valde convexo.
- 2 (3) Clypeo profunde recte transversim sulcato, elytris apice elongatis, angulo communi suturali subacuto, epipleuris latis, apicem versus paulo angustatis, ventre fere plano, corporis sculptura tenui . . . . . ***Pataya*** n. gen.
- 3 (2) Clypeo sulco tenui et arcuato a fronte separato, elytrorum apice regulariter rotundato, epipleuris angustis, apicem versus angustissimis, ventre valde convexo, corpore fortiter sculpturato . . . . . ***Jolivetia*** n. gen.
- 4 (1) Alata, callo humerali distincto.
- 5 (8) Epipleuris planis.

- 6 (7) Elytris elongatis, pronoto antrorsum valde angustato, angulis omnibus late rotundatis ..... **Planagetes** CHEVRL.  
 7 (6) Elytris subglobosis, pronoto antrorsum parum angustato, angulis posterioribus brevissime rotundatis vel plus minusve rectangularibus ..... **Gavirga** STÅL.  
 8 (5) Epipleuris concavis ..... **Limenta** STÅL.

### Genus **PATAYA** n. gen.

Hoc novum genus generibus *Planagetes*, *Gavirga* et *Limenta* affinis est, sed principaliter alis nullis ab iis differt.

Capite magno, sat porrecto, clypeo sulco maxime profundo, fere recto, a fronte separato. Antennis longis, dimidium corporis attingentibus. Pronoto valde convexo, lateribus antrorsum parum angustatis, basi subdenticulato (per praesentationem punctorum magnorum basi extrema impressorum), hic sulco marginali nullo instructo. Elytris valde convexis, apicem versus elongato-productis, angulo communi suturali distincto, elytris singulis apice late rotundatis, sutura nullo modo dehiscente, regulariter seriato-punctatis, callo humerali nullo, alis nullis. Tibiis et unguiculis simplicibus. Ventre minime convexo, fere plano.

Genotypus (species unica hic pertinens): *Chrysomela nitida* PHILIPPI Stett. Ent. Zeitg. 25, 1864, pg. 391. — Hab. Chili, Prov. de Valdivia (coll. NICKERL, specimen verisimillime „ex typis“ hic conservatur). Hoc novum genus in honorem amici cari Dom. Dr. RENÉ PATAY (Rennes), entomologi et biologi gallici quam optime meriti denominare volui.

### Genus **JOLIVETIA** n. gen.

Generi praecedenti simile, sed sulco clypeali transverso tenui, elytrorum epipleuris angustis, ventre valde convexo et corpore fortiter sculpturato ab eo differt.

Capite magno, sensim porrecto, clypeo sulco tenui aut vix distincto a fronte separato. Antennis dimidium corporis vix attingentibus. Pronoto valde convexo; quam elytris paulo angustiore, angulis anticis acutis, etiam basi sulco tenui instructo. Elytris valde convexis nullo modo sutura dehiscentibus, apice late rotundatis, nullo modo hic elongatis, regulariter seriato-punctatis, callo humerali nullo, alis nullis. Epipleuris angustis, apicem versus angustissimis. Corpore fortiter sculpturato, ventre valde convexo, unguiculis et tibiis simplicibus.

Genotypus (species unica hic pertinens): *Chrysomela obscura* PHILIPPI, Stett. Ent. Zeitg. 25, 1864, pg. 362. Hoc novum genus ad honorem amici cari Dom. P. JOLIVET (Tessy-sur-Vire) entomologi gallici excellentis denomino.

#### **Jolivetia obscura** PHILIPPI.

Nigra aut nigro-picea, ovata, nitida, supra nigro-aenea, labro, palpis, antennis pedibusque omnino flavo-testaceis.

Capite vertice vix visibiliter, clypeo fortiter punctato, hoc a fronte sulco tenui arcuato separato, fronte valde convexa, medio longitudinaliter leviter impressa ad latera sulco subobliquo instructa. Antennis

dimidium corporis vix attingentibus, articulo primo maxime incrassato, articulo secundo subgloboso quam sequenti sensim latiore, art. 3° elongato, 3°—6° aequilatis, art. reliquis dilatatis et opacioribus, clavam parvam formantibus. Pronoto valde convexo, 2× latiore quam longiore, fortiter, fortius et densius ad latera, punctato, basi latissimo, lateribus subparallelis, antice a medio rotundatim angustatis. Scutello laevi, valde transverso et sat magno. Elytris fortiter seriato-punctatis, punctis basi minus regulariter dispositis, intervallis sublaevibus, epipleuris brunneis, immetallicis. Subtus cum femoribus fortiter punctata.

Femina differt a mare corpore majore, sulcis capitis minus distinctis atque elytris minus ventricosis.

Long. corp. ♂♂ 2,7—2,8 mm; ♀♀ 3,2—3,5 mm.

Hab. Chili (coll. ACHARD). Descripta de Santiago de Chile.

### Genus *PLANAGETES* CHEVR.

Bibliografia. ACHARD: *Fragm. Ent.* 1922, pg. 21—25.

#### Specierum conspectus.

- 1 (12) Elytris flavis, maculis aut vittis plurimis nigris aut brunneis ornatis.
- 2 (5) Pronoto etiam ad latera nitido, quam elytris haud opaciore, reticulatione microscopica (sub lente 80×) vix visibili.
- 3 (4) Elytris consperse nigro-maculatis, maculis nonnullis majoribus (tribus antice, saepissime liberis et duabus vel tribus pone medium, saepissime oblique confluentibus) nigris ornatis. Hab. Argentina ..... *Planagetes conspersa* WEISE.  
WEISE: *Ark. Zool.* 14, no. 1, 1921, pg. 60, nota 1 (*Limenta*).  
Syn. *Pl. variabilis* ACHARD, *Fragm. ent.* 1922, pg. 22.
- 4 (3) Elytrorum intervallis alternatis maculatis et pro parte vittatis. .... *Planagetes ogloblini* n. sp.
- 5 (2) Pronoto (ad latera praecipue) quam elytris sensim opaciore, microscopice reticulato, reticulatione (sub lente 40×) bene visibili.
- 6 (7) Elytrorum punctorum seriebus reduplicatis. Elytris singulo maculis 7, in fasciis duabus transversis (antice post basin 3, medio 4) coordinatis. Hab. Brasilia (typus, in coll. ACHARD) ..... *Planagetes signata* ACHARD.
- 7 (6) Elytrorum seriebus punctorum simplicibus, haud reduplicatis.
- 8 (9) Elytris omnino consperse nigro-maculatis, elytrorum seriebus punctorum minus regularibus ..... *Planagetes subregularis* n. sp.
- 9 (10) Elytris maculis magnis liberis aut plus minusve confluentibus ornatis. Punctorum seriebus in elytris magis regularibus.
- 10 (11) Elytrorum maculis nigris parvis, haud confluentibus, intervallo juxtamarginali omnino flavo. Hab. Brasilia: Jatahy, Goyaz (specimina typica in coll. ACHARD) ... *Planagetes jatahyensis* ACHARD.

- 11 (10) Elytris maculis brunneis magnis, plagiformibus, saepe confluentibus ornatis, intervallo juxta-marginali pro parte obscure brunneo, aut maculis discalibus dilatatis levissime tacto ..... ***Planagetes boliviana*** n. sp.
- 12 (1) Elytris nigris, vittis duabus longitudinalibus aut maculis 2 vel 4 magnis, rufis ornatis.
- 13 (18) Elytris nigris, rubro-maculatis.
- 14 (17) Pronoto toto nigro.
- 15 (16) Elytris fascia late rubra, ante medium posita, sutura interrupta ornatis. Femoribus nigris (f. *typica*) aut pedibus omnino rufis (ab. *luteipes* ACHARD). Hab. Brasilia: Jatahy, Goyaz) series *typica* in coll. ACHARD conservatur) ..... ***Planagetes plagipennis*** ACHARD.
- 16 (15) Ut praecedens, sed etiam elytris apice rufis. Corpore valde elongato. Hab. Brasilia: Jatahy, Goyaz (typus ex coll. ACHARD) ..... ***Planagetes apicata*** ACHARD.
- 17 (14) Pronoti lateribus rufis. Elytris basi late rufo-testaceis (fascia sutura interrupta) et fascia alia haud interrupta ante apicem posita, marginem lateralem haud attingente rubra (nonnumquam deficiente = ab. *girardi* ACHARD) ornatis. Hab. Argentina. (Series *typica* in coll. ACHARD) ..... ***Planagetes plagata*** ACHARD.
- 18 (13) Elytris nigris, limbo laterali et vitta longitudinali discali flavis.
- 19 (20) Nitidissima, valde elongata. Pronoto nigro, ad latera anguste flavescente. Elytris nigris, limbo laterali et basali atque vitta longitudinali discali flavis. Hab. Argentina (typus et paratypus, in coll. ACHARD) ..... ***Planagetes vittata*** ACHARD.
- 20 (19) Opacior, breviter ovata. Pronoto flavo-testaceo, plaga magna nigropicea discali ornato. Elytris nigris, limbo laterali vittaque discali flavotestaceis ornatis. .... ***Planagetes achardi*** n. sp.

***Planagetes ogloblini*** n. sp.

Flavotestacea, nitida, antennis apice infuscatiss, pronoto maculis duabus discalibus distantibus, elytris maculis et vittis piceis ornatis.

Capite tenuissime punctato, fronte leviter convexo, clypeo ab hac nullo modo separato, lato, antice recte truncato. Antennis brevibus, prothoracis marginem posteriorem haud attingentibus. Labro magno, fere semicirculari. Pronoto solum ad latera sat dense tenuiter punctato, disco laevi; plus quam  $3 \times$  latiore quam longiore, basi latissimo, antrorsum rotundatim valde angustato, angulis late rotundatis. Scutello laevi. Elytris quam pronoto paulo latioribus, minus regulariter seriato-punctatis, punctis apice omnino irregulariter dispositis, intervallo laterali valde dilatato et quam ceteris multo nitidiore. Elytris maculis et vittis nigris: in intervallo secundo macula parum elongata pone basin, altera ante medium et altera minuta post medium posita; in intervallo 4° macula subbasali opposita et vitta postice suturam versus obliquata, maculis duabus intervalli secundi opposita; in intervallo 6° vitta basi magis approximata post medium terminata, antice cum vitta brevi intervalli octavi conjuncta; intervallo hoc 8° interdum macula parva altera, parum

elongata, pone medium posita et una macula rotundata subapicali, ornatis. Epipleuris valde dilatatis et obliquis. Subtus fere laevis, nitidissima. Long. corp. 3,5 mm.

Hab. Argentina: Chaco de Santiago del Estero, Rio Salado (typus, ex coll. WAGNER, in coll. ACHARD conservatur).

Speciem hanc novam ad honorem Dom. Dr. ALEJANDRO OGLOBLIN, hymenopterologi quam optime meriti, denominare volui.

***Planagetes boliviana* n. sp.**

Sat nitida, rufo-testacea, antennis rufo-brunneis, apice infuscatis, capite macula vertice, pronoto maculis duabus discalibus, elytris maculis magnis rufo-brunneis obscuris ornatis.

Capite tenuissime et dense punctulato, sulcis aut omnino deletis aut sulcis clypei lateralibus obsolete indicatis, valde abbreviatis. Antennis brevibus, basin elytrorum vix attingentibus, articulis 4—11 triangulariter dilatatis. Pronoto basi latissimo, fere  $3\times$  latiore quam longiore, quam elytris (ad latera praecipue) opacior, disco microscopice, sparse, ad latera densius et paulo fortius punctulato, lateribus antrorsum valde, fere recte angustato, angulis omnibus late rotundatis, ambitu ex toto anguste rufo-brunneo marginato. Scutello nitido, laevi, rufo-testaceo, brunneo-marginato. Elytris regulariter seriato-punctatis, punctis ante apicem aut regularibus (in feminis) vel irregulariter dispositis (in mare); intervallis tenuissime et sparse microscopice punctulatis, intervallo marginali quam praecedente duplo latiore, quam reliquis haud nitidior; marginibus omnibus epipleuris rufobrunneis; disco maculis obscuris rufo-brunneis, nigro-limbatis ornato. Subtus tenuiter sculpturata, segmentorum abdominalium suturis pallidioribus. Long. 4—5 mm.

Hab. Bolivia: Santa Cruz, IX. 1917 (LIZER et DELÉTANG, series typica, coll. ACHARD).

Variat:

1. Elytris pone apicem haud nigro-conspersis.

a) Elytris singula macula parva pone scutellum, aliisque tribus in fascia subbasali coordinatis, quarum macula externa valde ampliata et basi magis approximata, maculis aliis tribus in fascia subobliqua ante medium indicatis, quarum macula intermedia maxima, macula parva post medium in intervallo tertio posita atque alia macula parva anteapicali, ornatis. Maculis his omnibus (in singulo elytro 9) liberis ... f. *typica*.

b) Ut praecedens, sed maculis duabus externis fasciae mediae confluentibus ..... ab. *conjuncta* n. ab.

c) Ut praecedens, sed etiam maculis externis fasciarum omnium conjunctis, macula anteapicali defficiente ab. *trijuncta* n. ab.

2. Elytris, praecipue ad apicem, nigro-conspersis.

d) Elytrorum maculis ut in praecedenti coordinatis ..... ab. *nigrosparva* n. ab.

e) Elytrorum maculis pro magna parte confluentibus ..... ab. *electa* n. ab.

***Planagetes subregularis* n. sp.**

Nitida, obscure picea, supra cum pedibus antennarumque basi flavo-testacea, pronoti maculis duabus discalibus nigris, elytris dense pro parte confluentim nigro-conspersis.

Capite parum convexo, dense et tenuissime punctulato, sulcis nullis instructo. Pronoto quam elytris opacior, disco sparse, ad latera dense punctulato, basi latissimo, plus quam  $3\times$  latiore quam longiore, antrorsum valde angustato, lateribus leviter rotundatis, angulis late rotundatis. Scutello nigro. Elytris parum regulariter seriato-punctatis, punctis ante apicem omnino irregulariter dispositis, intervallis punctulatis. Subtus nitida, minime sculpturata. Long. corp. 4 mm.

Hab. Brasilia: Jatahy, Goyaz (typus in coll. ACHARD).

***Planagetes achardi* n. sp.**

Flavo-testacea, minus nitida, capite vertice maculaque magna pronoti discali, antrorsum producta, nigris; elytris nigris, limbo laterali vittaque longitudinali discali subobliqua flavotestaceis, margine laterali extremo angustissime nigricante.

Capite subopaco, tenuiter punctulato, haud convexo, sulcis clypei lateralibus obsolete indicatis, sulcis ceteris nullis, labro semicirculari, magno. Antennis brevibus basin elytrorum vix attingentibus, articulis apicalibus dilatatis et nigricantibus. Pronoto plus quam  $3\times$  latiore quam longiore, basi latissimo, antrorsum rotundatim valde angustato, angulis omnibus late rotundatis, disco tenuissime et sparse ad latera densius et fortius punctulato, quam elytris sensim opacior. Scutello nitido, flavotestaceo. Elytris minus regulariter seriato-punctatis, punctis etiam apice sat regulariter coordinatis, intervallis microscopice, vix visibiliter punctulatis. Epipleuris obliquatis. Subtus nitida, tenuiter depressa, tibiis leviter compressis. Long. corp. 4 mm.

Hab. Brasilia: Jatahy, Goyaz (typus, coll. ACHARD). — Speciem hanc novam in memoriam clar. J. ACHARD, entomologi celebri, cuius collectionem ante oculos habeo, denominare volui.

**Genus *GAVIRGA* STÅL.**

Bibliographia: ACHARD, Fragm. Ent. 1922, pg. 25—26.

**Specierum conspectus.**

- 1 (12) Elytris concoloribus.
- 2 (3) Fere omnino flavotestacea. Hab. Bolivia ..... ***Gavirga unicolor* ACHARD.**
- 3 (2) Aliter colorata.
- 4 (5) Tota nigra, labro, antennisque basi testaceis. Hab. Brasilia (Rio de Janeiro secund. descriptionem originalem) ..... ***Gavirga atratula* STÅL.**
- 5 (4) Corpore pro parte flavescente.
- 6 (11) Subtus plus minusve nigra.

- 7 (8) Antennis omnino flavotestaceis. Subtus cum capite elytris-  
nigris, pronoto rubro, pedibus flavotestaceis, pro parte nigri-  
cantibus ..... **Gavirga mrázi** n. sp.
- 8 (7) Antennis flavotestaceis, apice infuscatis.
- 9 (10) Supra cum pedibus abdomineque testacea, superficiei leviter  
metallice tincto ..... **Gavirga subaenea** n. sp.
- 10 (9) Supra flavo-testacea, pedibus nigris. Hab. Brasilia (Petropolis  
sec. descriptionem originalem) ..... **Gavirga clarki** STÅL.
- 11 (6) Subtus (fere omnino) cum capite, pronoto, pedibus antennarum-  
que basi testacea, elytris nigro-piceis. Hab. Brasilia. (Specimina  
plurima e Sao Paulo, lgt. J. MRÁZ, vidi) .... **Gavirga steini** STÅL.
- 12 (1) Elytris diverse coloratis, haud unicoloribus.
- 13 (26) Elytris nigris, flavo-limbatis.
- 14 (17) Elytris solum limbo flavo instructis.
- 15 (16) Elytris disco nigris, unicoloribus. Hab. Brasilia .....  
..... **Gavirga subcincta** STÅL.
- 16 (15) Elytris disco plaga marga rubra instructis .....  
..... **Gavirga obenbergeri** n. sp.
- 17 (14) Elytris non solum ad latera sed etiam basi flavo-limbatis.
- 18 (19) Elytris disco omnino nigris, pronoto nigro, angulis anticis leviter  
brunnescentibus ..... **Gavirga discoidalis** n. sp.
- 19 (18) Elytris nigris, basi et ad latera flavo-limbatis, disco obscure  
rufo-variegatis.
- 20 (25) Elytris disco macula rufa ornatis.
- 21 (22) Elytris pone medium latissimis, corpore magis elongato. Pedibus  
testaceis, elytris macula media discali communi obscure rufa  
ornatis. Long. corp. 4,5 mm. Hab. Peru .....  
..... **Gavirga peruana** WEISE.
- 22 (21) Elytris post basin latissimis, minime elongatis. Corpore minore  
(3—4 mm).
- 23 (24) Elytrorum intervallis sat fortiter punctulatis, corpore majore  
(4 mm). Pedibus rubris, elytris macula media communi discali  
obscure rufa ornatis. Hab. Bolivia .... **Gavirga limbatella** STÅL.
- 24 (23) Elytrorum intervallis microscopice punctulatis, punctis vix visi-  
bilibus. Pedibus nigricantibus, corpore minore 3—3,2 mm. Hab.  
Bolivia (series typica, coll. ACHARD) .....  
..... **Gavirga germaini** ACHARD.
- Variat:
- a) Elytris singulo macula discali media ornatis (maculae ambae  
per suturam plus minusve late nigricantem separatae) .....  
..... f. *typica*.
- b) Elytris plaga magna communi rubra ornatis (sutura haud  
nigricante) ..... ab. *conjuncta* ACHARD.
- 25 (20) Elytris fascia flava obliqua discali ornatis .....  
..... **Gavirga obliquata** n. sp.

- 26 (13) *Elytris maculatis*.  
 27 (28) Pronoto flavo-testaceo, fusco-aeneo-maculato. Elytris flavo-testaceis, singulo maculis 3 obscuris ornatis. Hab. Brasilia (Rio de Janeiro) ..... ***Gavirga concinnula* STÅL.**  
 28 (27) Pronoto omnino nigro.  
 29 (30) Elytris sanguineis, macula suturali communi ante medium, singuloque macula alia post medium nigris. Hab. Brasilia, Bolivia (Santa Cruz, IX, 1917, LIZER et DELÉTANG lgt., coll. ACHARD) ..... ***Gavirga trispila* STÅL.**  
 30 (29) Elytris sanguineis, ante apicem fascia communi arcuata nigra ornatis. Hab. Bolivia: Mapiri (paratypus, coll. ACHARD) ..... ***Gavirga fasciata* WEISE.**

***Gavirga mrázi* n. sp.**

Nigra, nitida, labro, antennis (ex toto), palpis, prothorace, genubus tarsisque rufis.

Capite nitidissimo, tenuiter et sparse, clypeo densius punctato, hoc sulco angulato a fronte separato. Antennarum articulo 2° sensim longiore quam latiore, articulo 3° longissimo, articulis apicalibus dilatatis, articulo ultimo elongato, oblique truncato. Pronoto plus quam 3× latiore quam longiore, basi latissimo, antrorsum rotundatim parum angustato, tenuiter et parum dense, disco fortius quam ad latera, punctato. Scutello parum lato, laevi, saepe brunnescente. Elytris tenuiter regulariterque punctato-seriatis, punctis apicem versus obsolescentibus, intervallis vage vix perspicue punctulatis. Subtus tenuissime sculpturata. Long. corp. 3,8—4 mm.

Hab. Brasilia: Sao Paulo (J. MRÁZ lgt). Speciei *G. steini* STÅL similis, sed coloratione, antennarum articulo 3° quam 2° longiore, pronotique lateribus tenuissime punctulatis ab ea discrepat. Formam hanc novam in memoriam clar. JARO MRÁZ denominare volui, cuius insectorum materialia, permulta millia speciminum includentia, partem collectionum Musaei Nationalis Praeae conformant.

***Gavirga subaenea* n. sp.**

Nigra, nitida, supra cum antennarum basi, pedibus abdomineque rufo-testacea, pronoto et elytris aneo-metallico-tinctis, elytrorum sutura atque basi angustissime nigropiceo-limbatis.

Femina differt a mare pronoto angustiore, elytris post humeros magis ventricosis.

Capite nitido, vertice et fronte sparse tenuiterque, clypeo nullo modo punctulato, sulco clypeali tenui, medio angulato. Antennis brevibus, articulo 2° quam 3° multo latiore, sed vix brevior, articulis 5 ultimis dilatatis et infuscatis. Pronoto vix 2,5× (♀) aut fere 3× (♂) latiore quam longiore, basi latissimo, antrorsum rotundatim parum attenuato, disco tenuissime punctulato, ad latera antice leviter impresso. Elytris regulariter tenuiterque punctato-seriatis, punctis apicem versus dilutioribus, intervalis vix perspicue, vage punctulatis, intervallo marginali quam vicino sensim latiore. Long. corp. 3,8—4 mm.



Hab. Brasilia (coll. ACHARD, 1 ♂ et 1 ♀, specimina typica).

Species haec coloratione et dimorphismo sexuali valde evoluto ab aliis speciebus affinibus discrepat.

***Gavirga obenbergeri* n. sp.**

Nitida, nigro-picea aut nigra, capite, antennarum basi tarsisque rufis, elytris nigris, ad latera late rufo-limbatis, disco plaga maxima communi (f. *typica*) aut sutura interrupta (ab. *similis* n. ab.) rufobrunnea ornatis.

Capite tenuissime et sat sparse (clypeo paulo densius) punctato, fronte longitudinaliter leviter impresso, clypei sulco arcuato distincto. Antennis basin elytrorum superantibus, articulo 1° et 2° (paulo minus) incrassatis, 3° quam 2° vix longiore, articulis ultimis incrassatis. Pronoto fere 3× latiore quam longiore, basi latissimo, antrorsum subrotundatum sat fortiter angustato, disco sparse et sat tenuiter, ad latera magis tenuiter punctato. Elytris sat tenuiter seriato-punctatis, punctis apicem versus paulo dilutioribus, intervallis tenuissime punctulatis. Subtus tenuiter sculpturata. Long. corp. 3 mm.

Hab. Bolivia: Cochabamba (P. GERMAIN lgt., specimina typica in coll. ACHARD). Speciem hanc novam ad honorem Dom. Prof. Dr. JAN OBNBERGER, entomologi bohemicus excellentissimi, denominare volui.

Speciei *Pl. germani* ACHARD, simillima, sed coloratione (pronoto toto nigro, limbo basali elytrorum flavo defficiente, tibiis ex toto nigris) pronoto et capite minus dense punctatis, punctis elytrorum ante apicem bene distinctis atque corporis nitore majore ab ea distinguenda est.

***Gavirga discoidalis* n. sp.**

Nigra, nitida, capite antice, antennarum basi, prostethio antice, genubus, tarsis limboque elytrorum laterali et basali (hoc margine postico, discum versus undulato at pone scutellum interrupto) flavis, capitis vertice et pronoti angulis anterioribus anguste brunnescentibus.

Capite laevi, indistincte punctulato, sulco clypeali obsolescente, sulcis reliquis nullis. Antennarum articulo 2° sat incrassato, qum 3° vix longiore. Pronoto quam elytris paulo angustiore, 2,5× latiore quam longiore, sparse et tenuissime, paulo fortius et densius basin versus, punctato, basi latissimo, antrorsum fere recte sat fortiter angustato. Elytris ad latera quam maxime regulariter rotundatis, ante medium latissimis, tenuiter seriato-punctatis, punctis apicem versus obsolescentibus, intervallis vage, indistincte punctulatis, intervallo marginali latissimo, quam vicino fere 3× latiore. Subtus tenuissime punctulata, tibiis leviter compressis. Long. corp. 3,5 mm.

Hab. Bolivia: Cochamamba (P. GERMAIN lgt., typus, in coll. ACHARD).

Species haec a *Pl. germani* ACHARD, *Pl. obenbergeri* m., *Pl. limbata* STÅL, et *Pl. peruana* WEISE, coloratione, pronoti lateribus fere rectis, superficiei sculptura tenuissima nec non intervalli elytrorum marginalis latitudine discrepat.

***Gavirga obliquata* n. sp.**

Nigra, sat nitida, antennarum basi, labro elytrorumque limbo basali et marginali atque vitta obliqua ab humeros suturam versus directa, sed hanc haud attingente, suturae post medium approximata, aut cum limbo basali conjuncta (f. *typica*) aut antice abbreviata, marginem basalem haud attingente (ab. *striola* n. ab.) flavo-testaceis, tarsis brunnescentibus.

Capite tenuiter et sat dense punctato, fronte planato et medio longitudinaliter leviter sulcato, sulco clypeali arcuato bene distincto. Antennis basin prothoracis superantibus, articulo 2° parum incrassato, quam 3° (longissimo) multo breviore. Pronoto quam elytris angustiore (♀♀) aut fere vix angustiore (♂♂), fere 3× latiore quam longiore (latiore apud ♂♂), disco tenuiter, ad latera et basin varis fortiter et dense punctulato, basi latissimo, antrorsum rotundatim attenuato. Scutello nigro, nitido. Elytris regulariter seriato-punctatis, punctis apicem versus irregulariter dispositis, paulo dilutioribus, punctorum serie quinta (calum humeralem intus limitante) basi profunde sulcato-imprensa, intervallis praecipue ad apicem dense punctulatis, intervallo marginali valde dilatato. Subtus punctulata, tibiis sat compressis. Long. corp. ♂♂ 3,2—3,3 mm; ♀♀ 4—4,5 mm.

Hab. Brasilia: Sao Paulo (J. MRÁZ lgt., series typica). Species haec coloratione et sculptura (praecipue punctorum serie basi profunde impressa) atque dimorphismo sexuali facile ab aliis dignoscenda est.

**Genus *LIMENTA* STÅL.**

Species *Limenta conspersa* WEISE ad genus *Planagetes* ponenda est. Genus hoc speciem unicam *L. servula* STÅL, habet.

Nota. — *Chrysomela quadristriata* PHILIPPI, Stett. Ent. Zeitg. 25, 1864, pg. 392, ad speciem *Microtheca ochroloma* STÅL uti varietas superficiei nigra (illic obscure coerulea) insignata attribuenda est. *Microtheca ochroloma* de Brasilia descripta est, ab. *quadristriata* de Chili provenit, sed signa differentia haud perspicenda sunt. Per materialia magis numerosa forma haec etiam uti subspecies geographica affirmata esse potest.

Specimina omnia hic disputata in collectione generali Musaei Nationalis Pragae conservantur.